



Broj/Број: 01/6-50-1-8-17/09
Sarajevo/Сарајево, 10. 6. 2009.

Z A P I S N I K

17. sjednice Komisije za ostvarivanje ravnopravnosti spolova, održane 10. 6. i 23. 6. 2009. godine

Sjednici Komisije za ostvarivanje ravnopravnosti spolova (u daljnjem tekstu: Komisija), otvorenoj 10. 6. 2009., s početkom u 10,30 sati (u pauzi održavanja 55. sjednice Predstavničkog doma), prisustvovali su članovi Komisije: Vinko Zorić, Remzija Kadrić, Mirjana Malić, Halid Genjac i Rifat Dolić.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 16. sjednice Komisije;
2. Izvještaj Radne grupe za pripremu Zakona o izmjenama i dopunama Izbornog zakona BiH;
3. Pripreme za tematsku raspravu Predstavničkog doma o Gender akcionom planu Vijeća ministara BiH i Preporukama Komiteta UN-a za eliminaciju diskriminacije žena;
4. Informacija o posjeti delegacije Komisije Parlamentu Češke Republike;
5. Ostala pitanja.

Ad. 1. Usvajanje Zapisnika 16. sjednice Komisije

Zapisnik 16. sjednice Komisije usvojen je jednoglasno, bez primjedbi.

Ad. 2. Izvještaj Radne grupe za pripremu Zakona o izmjenama i dopunama Izbornog zakona BiH

Predsjedavajući je upoznao prisutne s rezultatima rada Radne grupe za pripremu Zakona o izmjenama i dopunama Izbornog zakona BiH, te je obrazložio koncept predloženog rješenja, kao i pojedinačne izmjene i njihov očekivani učinak.

Sekretar Komisije podsjetio je na razloge za donošenje odluke o početku rada na izmjenama Izbornog zakona BiH, koji se ogledaju u nedovoljnoj zastupljenosti žena u zakonodavnoj vlasti i javnom životu uopće i u vezi s tim neophodnosti za usaglašavanje ovog zakona sa Zakonom o ravnopravnosti spolova BiH, te standardima i preporukama međunarodnih institucija.

Mirjana Malić je također pojasnila rješenja koja je predložila Radna grupa, kao i stavove Centralne izborne komisije BiH čiji su predstavnici također učestvovali u radu Radne grupe, kao i da bi usvajanje ovog prijedloga povećalo učešće žena u zakonodavnim organima vlasti do 30 %..

U diskusiji su učestvovali Remzija Kadrić, koji je podržao predloženo rješenje, te Rifat Dolić koji je izrazio rezervu prema predloženom rješenju koje se ogleda u zatvaranju izbornih listi i mišljenja javnosti u vezi s tim, kao i Halid Genjac koji smatra da je ovo isuviše važno pitanje koje zahtijeva više vremena za razmatranje i diskusiju, te da su izmjene Izbornog zakona BiH uvijek bile predmet širokih rasprava.

Zbog nastavka 55. sjednice Predstavničkog doma, sjednica Komisije prekinuta je u 11 sati, pa je odlučeno da se njen nastavak zakaže za 23. juna 2009.

U nastavku rada 17. sjednice, 23. juna, s početkom u 13 sati, učestvovali su: Vinko Zorić, Mirjana Malić, Remzija Kadrić, Rifat Dolić, Jozo Križanović i Halid Genjac. Odsustvo je najavio Savo Erić zbog službenog putovanja u Strazbur.

Predsjedavajući je pozvao članove da se izjasne o načinu rada po ovoj tački, odnosno da daju svoj komentar o predloženom materijalu Radne grupe.

Halid Genjac pohvalio je materijal koji je pripremila Radna grupa i ocijenio ga kvalitetnim, te je naveo kako je često učestvovao u radu na izmjenama izborne legislative u okviru čega su razmatrane različite varijante kad su u pitanju izborne liste i kvote. Iako smatra da bi se na predloženi način poboljšala zastupljenost žena u zakonodavnoj vlasti, naglasio je da otvorene liste nemaju alternativu, te da će zbog toga biti suzdržan prilikom glasanja kako bi dao šansu da se o ovome izjasni Parlamentarna skupština BiH.

Rifat Dolić rekao je da nema primjedbi na opravdanost cilja koji se izmjenama Zakona želi postići ali da treba posmatrati širi kontekst značaja otvorenih listi čijim bi zatvaranjem birači umnogome izgubili interes za izbore. Zaključio je kako će ipak, kao član ove komisije, podržati prijedlog Radne grupe.

Mirjana Malić podsjetila je na svoje izlaganje u prvom dijelu sjednice, te je dodala kako otvorene liste samo stvaraju privid kod birača kako na ovaj način izabrani kandidati odgovaraju njima za svoj rad, dok u stvarnosti odgovaraju svojim strankama, te kako moramo uvažiti eksplicitne primjedbe Komiteta UN-a za eliminaciju diskriminacije žena i Venecijanske komisije koje se odnose na otvorene liste, čime bi se postotak žena povećao do 28% u zakonodavnim organima vlasti.

Remzija Kadrić upozorio je na još jedan razlog za napuštanje otvorenih listi koji se ogleda u mogućnosti za lažiranje izbornih rezultata na biračkim mjestima dopisivanjem glasova.

Na kraju rasprave predsjedavajući je podsjetio na kontradiktornost otvorenih listi i izbornih kvota.

Ukazao je da bi usvajanjem predloženih izmjena Izbornog zakona BiH bili stvoreni preduslovi za koaliranje stranaka i u konačnici za okrupnjavanje političke scene u našoj zemlji. Predložio je da se podrži izvještaj Radne grupe i utvrdi Prijedlog zakona kako je to predložila Radna grupa, pa je ovaj prijedlog stavio na izjašnjavanje, nakon čega je, s pet glasova „za“ i jednim „suzdržanim“, donesena sljedeća

ODLUKA

1. Usvaja se Izvještaj Radne grupe za pripremu teksta Zakona o izmjenama i dopunama Izbornog zakona BiH;
2. Utvrđuje se Prijedlog zakona o izmjenama i dopunama Izbornog zakona BiH i upućuje u daljnju proceduru.

Ad. 3 Pripreme za tematsku raspravu Predstavničkog doma o Gender akcionom planu Vijeća ministara BiH i Preporukama Komiteta UN-a za eliminaciju diskriminacije žena

Izvještaj o ovoj tački dnevnog reda podnio je sekretar Komisije, nakon čega je donesen

ZAKLJUČAK

da će osnov za raspravu Predstavničkog doma o ovoj tački biti sljedeći dokumenti: Gender akcioni plan Vijeća ministara BiH; Informacija Agencije za ravnopravnost spolova BiH o provedbi Gender akcionog plana Vijeća ministara BiH, Zaključni komentari Komiteta za eliminaciju diskriminacije žena: Bosna i Hercegovina, Informacija Agencije za ravnopravnost spolova BiH o ostvarenom napretku u ispunjavanju preporuka Komiteta UN-a za eliminaciju diskriminacije žena i Prijedlog zaključaka Predstavničkog doma povodom rasprave.

Ad. 4 Informacija o posjeti delegacije Komisije Parlamentu Češke Republike

Informacija o posjeti delegacije Komisije Parlamentu Češke Republike primljena je k znanju.

Ad. 5 Ostala pitanja

U okviru ove tačke sekretar je upoznao prisutne o prihvatanju inicijative Komisije za imenovanje Mirjane Malić za kontakt - parlamentarku u kampanji PS Vijeća Evrope o sprečavanju nasilja nad ženama u porodici.

Također je informirao o toku priprema za studijsku posjetu Španiji u septembru, a u organizaciji Agencije za ravnopravnost spolova BiH.

Time je realiziran dnevni red. Sjednica je završena u 14 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić